

AGRAR SOHANI RIVOJLANTIRISH ISTIQBOLLARI

Qo'ysinov Jamshid Jo'ra o'g'li

Qarshi xalqaro universiteti magistratura talabasi

Mamlakatimiz qishloq xo'jaligini yanada taraqqiy ettirishda asosiy e'tibor agrar sohada islohotlarni chuqurlashtirish, ishlab chiqarish va boshqarish jarayonlarida bozor tamoyillarini to'la qaror toptirish asosida qishloq aholisining turmush darajasini keskin oshirishga qaratilmoqda.

Agrar tarmoqni rivojlantirishning istiqbolli dasturi quyidagi eng muhim yo'nalishlarni o'z ichiga oladi:

- Agrar sohada iqtisodiy islohotlarni yanada chuqurlashtirish, mulkiy munosabatlar va xo'jalik yuritish shakllarini takomillashtirish borasida barcha sub'ektlar o'rtasidagi o'zaro iqtisodiy munosabatlarni bozor tamoyillari asosida amalga oshirish, shartnoma majburiyatlarining bajarilishida tomonlar mas'uliyatini oshirish.

- Qishloq xo'jaligida erdan foydalanish mexanizmini takomillashtirish va samarali foydalanishni rag'batlantirish yo'nalishi bo'yicha tuproq unumdorligini oshirish va yerning meliorativ holatini yaxshilash borasidagi chora-tadbirlarni amalga oshirish maqsadida barcha hududlarda qishloq xo'jaligi yerlari unumdorligini oshirish, unumdorligi past yer maydonlari salmog'ini kamaytirish.

- Suv xo'jaligi tizimini takomillashtirish, yerlarning meliorativ holatini yanada yaxshilash maqsadida suv xo'jaligi tizimida moddiy va ma'naviy eskirgan irrigatsiya-melioratsiya tizimini yangilash, uning samaradorligini oshirish, yangi sug'orish texnologiyalari va suvdan foydalanish mexanizmlarini joriy etish, yer maydonlari meliorativ holatini yaxshilash, drenaj tarmoqlarini qurish va ta'mirlash tadbirlarini amalga oshirish.

- Qishloq xo'jaligi ekinlari navlarini viloyatlar va tumanlarning tabiiy iqlim sharoitlarini hisobga olgan holda joylashtirish, mahsulotlar sifati va ekinlar hosildorligini oshirishga alohida e'tibor qaratish. Qishloq xo'jaligi ekinlarining yuqori hosilli, tezpishar, kasallik va zararkunandalarga chidamli, yangi va istiqbolli, mahsulot sifati bozor talablariga javob beruvchi navlarni joylashtirish.

- Chorvachilik tarmog'ini kompleks rivojlantirish, asosan chorva mollarining naslini yaxshilash hisobidan uning mahsuldorligini oshirish. Buning uchun eng avvalo chorvachilik tarmog'ining moddiy-texnik bazasini mustahkamlash; naslchilikni tubdan yaxshilash; tarmoqda servis, jumladan, zooveterinariya xizmatlari ko'rsatish sifati va

assortimentini oshirish; parrandachilik, baliqchilik, asalarichilik va pillachilik sohalarini rivojlantirish;

chorva mollarida uchraydigan yuqumli kasalliklarga qarshi kurash tizimini yanada takomillashtirish; ozuqa ekinlarini joylashtirishning maqbul darajasiga erishish, bunda lalmi yerlardan chorva ozuqasi etishtirish uchun foydalanishni kengaytirish.

- O‘rmon xo‘jaligini kompleks rivojlantirish borasida tabiiy resurslardan oqilona foydalanish va atrof muhit muhofazasi nuqtai nazaridan:

- qo‘riqlanadigan hududlar davlat kadastrini joriy etish;
- o‘rmon xo‘jaligida mevali, manzarali daraxt ko‘chatlarini yetishtirishni yanada rivojlantirish dasturini ishlab chiqish;
- hududlarning ekologik holati bo‘yicha geografik-axborot tizimini ishlab chiqish.

- Qishloq xo‘jaligi xomashyosini qayta ishlash tarmog‘ini rivojlantirish, agrar sohaning eksport salohiyatini oshirish.

Qishloq xo‘jaligi, xususan, chorva va meva-sabzavot mahsulotlarini saqlash va qayta ishlashga ixtisoslashgan kichik xususiy korxonalar, klasterlarni zamonaviy texnika va texnologiyalar bilan jihozlash, xomashyoni qayta ishlash quvvatlarini ishga tushirish, mavjud korxonalarni modernizatsiya qilish, ho‘l meva-sabzavot va tayyor mahsulot eksport qiladigan sub’yektlar uchun imtiyozlar tizimini ishlab chiqish.

- Qishloq joylarda servis xizmatlari ko‘rsatish tizimini takomillashtirish agrar tarmoqda servis xizmatlari ko‘rsatish sohasini rivojlantirish, bozorga tez moslashuvchi sub’ektlar faoliyatini qo‘llab-quvvatlash.

- Qishloq xo‘jaligida moliya-kredit, soliq va sug‘urta tizimini takomillashtirish:

- davlat ehtiyojlari uchun paxta xomashyosi va g‘alla yetishtirishda asosan imtiyozli kreditlash orqali moliyalashtirib borish tizimini takomillashtirish;

- paxta va g‘alladan tashqari qishloq xo‘jaligi mahsulotlari yetishtiruvchilarni kreditlash mexanizmini takomillashtirish;

- qishloq xo‘jaligi uchun texnika, ehtiyot qismlar, naslli chorva mollari, urug‘lik va ko‘chatlar, zamonaviy texnologiya va uskunalar, dori-darmon,

kimyoviy preparatlarni import qilishda soliq va bojxona imtiyozlari tizimini yana kengaytirish;

- qishloq joylarga kichik sanoatni jalb qilishda soliq imtiyozlari va moliyaviy qo‘llab-quvvatlash tadbirlarini amalga oshirish;

- mahalliy ishlab chiqaruvchilarni iqtisodiy qo‘llab-quvvatlash maqsadida proteksionizm siyosatini doimiy ravishda amalga oshirish;

- Agrar sohada ilm-fanni rivojlantirish va ilm-fan yutuqlarini ishlab

chiqarishga joriy etish. Bu sohada:

– atrof-muhitga ekologik zarar keltirmaydigan texnika va texnologiya hamda xomashyo resurslarini qayta ishlashda yangi uslublar ishlab chiqish va mavjudlarini takomillashtirish;

– paxtachilik va boshqa qishloq xo‘jaligi ekinlarining istiqbolli navlari birlamchi urug‘chiligini tashqil qilish tizimini takomillashtirish;

– qishloq xo‘jaligining amaliy muammolarini hal etishda innovatsion loyihalardan keng foydalanish va bunda innovatsion loyihalarni moliyalashtirishning bank orqali kreditlash tizimini joriy etish;

– qishloq xo‘jaligida gen injeneriyasi borasida to‘plangan jahon tajribasidan keng foydalangan holda, milliy tizimni yaratish;

– ekologik toza qishloq xo‘jaligi mahsulotlari yaratish ustida keng qamrovli ishlar olib borish;

– xorijdan keltirilgan naslli urug‘lar asosida Yuqori mahsuldor mahalliy chorva mollari, parrandalar, pilla qurti zotlarini yaratish.

- Qishloq xo‘jaligida mehnat resurslaridan samarali foydalanish va aholi daromadlarini oshirish.

Shu yuqoridagi barcha vazifalarning hal etilishi yurtimizda agrar sohani rivojlantirishga zamin yaratadi.

Foydalanilgan adabiyotlar:

1. Toxirovna S. G. Dehkan Farm-Services To Sustain Food Supply. – 2023.
2. Самиева Г. ДЕХКАНСКИЕ ХОЗЯЙСТВА И ЗЕМЛЕВЛАДЕЛЬЦЫ ВАЖНЫ В ОБЕСПЕЧЕНИИ ПРОДОВОЛЬСТВЕННОЙ БЕЗОПАСНОСТИ УЗБЕКИСТАНА //Экономика и социум. – 2024. – №. 10-2 (125). – С. 889-894.
3. Samieva G. DEHKAN FARMS AND LANDOWNERS ARE CRUCIAL IN ENSURING UZBEKISTAN'S FOOD SECURITY. – 2024.
4. Самиева Г. Т. Дехқон хўжаликларида ишлаб чиқаришни диверсификациялаш йўналишлари”. и. ф. н. даражасини олиш учун ёзилган дисс //Қарши–2019. – 2019.
5. Asadov, M. (2025, July). HOMO POETIKUS KONSEPSIYASI: NAVOIY VA RUMIY. In Conferences (Vol. 1, No. 1).
6. Asadov, M. (2025). The concept of individualism and absurdity in Camus’ the stranger. American Journal of Philological Sciences, 5(03), 119-123.
7. Asadov, M. (2023). SIZIF HAQIDA MIF: KAMYU VA XURSHID DO ‘STMUHAMMAD. In Conferences (Vol. 1, No. 1).

8. Asadov, M. T. (2022). Existential interpretation of the motive of “loneliness” in the work “the stranger” by Albert Camus. Asian Journal of Research in Social Sciences and Humanities, 12(2), 1-6.

9. Turaevich, A. M. (2022, January). LONELINESS AND ABSURDITY IS THE BASIS OF ALBER KAMYU’S CONCEPT OF ART. In European journal of science archives conferences series/Konferenzreihe der europäischen Zeitschrift für Wissenschaftsarchive (Vol. 2013, p. 30).